

大赦違限官吏人等犯在革前者俱各宥免續於成化二年三月
日期不等准左軍等府經歷司手本并吏部等部及本
部虞衡清吏司各將過違批限官吏解戶人等陸續
開送到司轉送到部委官主事項文恭處收查照例
折納條石外今該典史孫啓奏稱前因案呈到部今
准所奏通行在京各衙門將過違批限官吏長解人
等從公查勘如有已送該部曾經委官處發票折納條
石者俱暫停止以待成化三年之後軍民實充之日照舊
折納仍行本部原委官員將見收條石堆集如法收停
撥人看守不許疎失因而侵損者罪有所歸緣係停
止折納條石及奉

欽依該衙門知道事理具題奉

聖旨是欽此

有力囚犯相兼用工砌造街道例

成化四年三月十四日工部尚書王 等

題爲砌造街道事竊膳清吏司案呈據膳所等衙
門中准委官所丞等官田俊等牒督據水等匠作
頭顧玉等匠該造鐮鏈水桶等件合用物料逐一
會計明白會有會無同人匠數目結申送司案登奉
本部送於

內府抄出內府監太監黃順等題成化四年二月二十八日該
司禮監太監懷恩等傳奉

聖旨正陽門外玉石橋南起至

天地壇西門外止大街中一路墁砌街石欽此欽遵傳奉到
監督據管工工部左侍郎陸祥等呈丈量前項街道
通長九百八十六丈濶叁丈五尺合用石料石灰鐵木

器家火等件并搭蓋廠房在內做料項放物件該用
鷹架木蘆麻白麻黃麻木炭等件除本監見有鷹
架木放支外缺少蘆蓆白麻黃麻木炭鉄木器家
火等件着工部會同造辦本部委堂上官一員催辦
物料就帶官匠及撥輪班人匠相兼用工所有石料
石灰於馬鞍山等處山場開塘燒灰搬運人力不敷
合無着伍運神機三千等營摘撥官軍一萬五千員
各要武職大臣一員鈐束運料前去彼處堆架做
料砌造本監石匠數少照例於膝驤四衛借石匠一
千名前來撮工完日仍舊着役開坐具題成化四年
二月二十九日本部尚書王 等 於

奉天門欽奉

聖旨是再撥官軍三十員名運料石匠只借五百名來用該衙

門知道欽此欽遵抄出到部送司已經通行會議
去後今該前因案呈到部除鷹架木本監徑自放
支外欲將會計有黃麻木麻先行丁字庫照數開支
該填勘合後補備照覲鮑胥手等件該用生執銅鉄
行順天府差人於遵化鉄廠本部委官主事蕭昂
處支領沿途運衛有司應付夫車拽運蘆蓆水和
炭行本部委官主事張達處支放及撥因於西山齊
堂廠搬運會無松木等料分派河南等布政司并順
天直隸大明等府支給官錢照數買辦解用石料石灰
行馬鞍山等處委官王慶等開塘埭打燒造運料人
力行後軍都督府轉行五軍神機三千等營總兵官
處摘撥官軍搬運就委武職大臣一員管領鈐束運
料石匠行膝驤四衛借撥木炭行

欽差通政司右叅議王處撥夫孫燒運用人匠於本部輪班匠
內摘撥及行法司量撥有力囚人相兼用工本部仍
行委官左侍郎彭公同督理墁砌工完之日仍將
鐃鎚等件退送本部收貯以備別用緣係關支派辦
物料借發官軍等料墁砌街道及節奉
欽依該衙門知道事理未敢擅便具題奉
聖旨是欽此

作踐城垣街道初號例

成化八年八月十八日工部尚書王等

題為禁約事據本部委官主事趙景呈照得先奉本
部劄付備仰本職於京內外提督各該兵馬指揮
司各照地方逐一相勘街道低窪者填墊平坦溝
渠壅塞者挑濬疏通務俾水道流通有備無患
除親詣各城督同各該兵馬指揮司分管官吏火甲
各地方街道溝渠陸續修添挑濬外看得

正陽等門裏傍城一帶地方多被居住官校軍民人等掘
土托坯致成泥坑稍遇陰雨穢水如池其平坦之處
堆積糞多高城基或行使車輛碾踏低窪致將雨
水流積城下浸灌城脚損壞城牆甚至撒放牲口拴
養馬駝晒糞打線等項作踐多端雖常往來提